

胞兄吉祥邑庠生堂弟吉貞歲貢生君皆能篤誠友愛不分畛域吉貞亦克盡弟道人謂之兩難家值中落外債累累反取負己之券盡焚之年四十餘卒子濤邑庠生亦早卒邑人咸惜之韓應詔字金門韓家窰人家貧以力農採樵養親兼供諸弟讀書弟鑑吾舉孝廉仕蜀家漸裕雙親已逝嘗告家人曰余負薪往市得貲奉親今欲養親不在矣聲淚俱下事伯兄恭敬備至人不知其爲異母出族子某性驥愚少無依收養于家爲之娶妻分田使立業焉卒年七秩有三

馬啓瑞字輯五光緒壬午科舉人由大挑授大荔教諭幼失恃父化龍亦諸生常因貧鬻器物以度日先生偕弱妹守破屋躬